

DITLHASELO BAKENG SA BORADIA LE BOFORETŠI

O swanetše go lemoga di-emeile tša boradia, gape re dirile karolo ya wepsaete mo re tlo posago mpshafatšo enngwe le enngwe ya boradia bjo re kwelego ka bjona. Ka tsela ya go swana, re rata gore o re botše ka di-emeile tše dingwe le tše dingwe tše o gononelago gore di kaba e le tša boradia goba boforaforetši (phishing). Go bega goba go hwetša tshedimošo enngwe ka ga boforaforetši, ka kgopelo romela emeile go phishing@sars.gov.za goba letšetša Mogala wa go se lefelwe wa Kgatlhanong le Bomenetša go 0800 00 2870.

Maloko a setšhaba a romelwa di-emeile tša bofora tša “bohvirihwiri” tša go nyaka go swana le tše di rometšwego ke SARS, eupša e le di-emeile tša bofora tša nepo ya go radia balefela motšhelo bao ba sa gononelego selo gore ba tšeye karolo ka go fana ka tshedimošo ya mong ya bjalo ka dintlha tša akhaonte ya go pank. Mehlala e akareša di-emeile tše di bonagalago e ke di tšwa go returns@sars.co.za goba go refunds@sars.co.za tše di laetšago gore balefela motšhelo ba swanetše ke go amogela pušetšo ya motšhelo.

Di-emeile tše di na le kgokaganyo go difomo tša maaka le diwepsaete tša bofora tše di dirilwego gore di lebelelege e ke “ke tša nnete”, eupša nepo ele go foretša batho gore ba tsenye tshedimošo ya mong ya go pank. Mehlala e akhaonte ya pank yeo dikebekwa di ka e tšeago gomme tša e šomiša bakeng sa morero wa bofora.

Ka kgopelo lemoga gore tše ke boradia gomme balefela motšhelo ba SARS ba swanetše go lemoga tše di latelago:

- O se ke wa bula goba go fetola di-emeile go tšwa go methopo yeo o sa e tsebego.
- Hlokomela di-emeile tše di kgopelago dintlha tša mong, motšhelo, go pank le eFiling (tshedimošo ya go tsena, phasewete, diphini, khrediti / depiti, bjalo bjalo.).
- SARS e ka se tsoge e kgopetše dintlha tša gago tša go pank go ngwalelano enngwe le enngwe yeo o e amogelago ka poso, emeile goba SMS Le ge go le bjalo, bakeng sa morero wa poledišano ka mogala le tiišetšo, SARS e tla tiišetša dintlha tša gago tša mong. Sa bohlokwa, SARS e ka se go romele dikgokaganyo / hyperlinks dife goba dife go diwepsaete tše dingwe – le ge e kaba tša dipank.
- Hlokomela di-sms tša bofora.
- SARS ga e romele ditlhomelo tša *.htm or *.html.
- SARS e ka se tsoge e go kgopetše dintlha tša gago tša karata ya khrediti.

Maele a Bohlokwa: Gore setsebi sa motšhelo se kgone go fo lefediša bakeng sa ditirelo tša bona, ba swanetše goba ba ngwadišitšwe. O ka lekola [mo ge eba Setsebi sa gago sa Motšhelo se ngwadišitšwe](#) le SARS le Setheo sa Taolelo seo se Tsebjago / Recognised Controlling Body (RCB).